

١٨- (وَأَعْلَمُوا أَنَّ اللَّهَ يَحُولُ بَيْنَ الْمَرْءِ وَقَلْبِهِ ) يعني إيه ؟

الإنسان مش هو المتحكم في مشاعره ؟!

عارف زي إيه ؟ (ولله المثل الأعلى ) لما باباك يقولك مش  
هسيبك تاخد القرار ده وتضيع نفسك !

أهو ده إللي بيحصل من ربنا معاك في منتهى اللطف الخفي..

تبقى نفسك في حاجة أوي وعاييزها وجتلك .. وتلاقي قلبك  
مقبوض !

أو تلاقي الموضوع ممشيش .. وتلاقي نفسك بترفضه في عز  
ما إنت عاييزه !

أو تبقى رافض حاجة جداً .. وتلاقي قلبك يأنبك على  
الرفض و واحد واحد يلين !

قلبك لوحده بيتبدل ويغيرلك قراراتك ..

لكن ..

الكلام ده بيحصل تحت مظلة :

(وَأَنَّ لَيْسَ لِلْإِنْسَانِ إِلَّا مَا سَعَى)

سعيك وهدفك ربنا .. هترزق البصيره..

والبصيره إيه غير أن الله يقود قلبك .. ويجعل بصيرتك  
تتنصر على نفسك وأهوائك ، فترى بنور الله وينفتح قلبك لما  
يرضى الله .. فيرضيك .. وتتفر مما لا يرضيه .. فلا يرضيك!  
أما لو سعيك لغير الحق وللباطل .. فأنت إستغنيت عن نور  
الله وعن البصيره ..

(أَفَرَأَيْتَ مَنْ اتَّخَذَ إِلَهَهُ هَوَاهُ وَأَضَلَّهُ اللَّهُ عَلَىٰ عِلْمٍ وَخَتَمَ عَلَىٰ  
سَمْعِهِ وَقَلْبِهِ وَجَعَلَ عَلَىٰ بَصَرِهِ غِشَاوَةً)

متعجبش ..

(إذا كنت ترى بنور الله ) من كل إلهي مريبك من تقلبات  
في قلبك ومشاعر مركبه ، تلاقي نفسك تحب وتبعد .. ومتعجبش  
وتقرب .. تحن وتضعف .. وتقوى وتخفي ..

متعجبش !

ده ربنا بينقذك .. من رحمته بيبك ، نتيجة لسعيك إنت  
ونواياك وأفعالك ..  
حاجه أخيرة..

لو سعيك لله .. وطول الوقت بتجاهد نفسك وجالك وقت  
وضعت .. فربنا برحمته وعظمته مش مستتيك الغلطه!

هو مطلق على قلبك وعلى نواياك وعلى جهدك وعزيمتك  
فهيجول بينك وبين إستمرارك في الذنب!

هينقذك من نفسك .. لأنه بيحبك وهو عارف إنك بتحبه ..

فإعلم وتأكّد :

(أَنَّ اللَّهَ يَحُولُ بَيْنَ الْمَرْءِ وَقَلْبِهِ)

(إن القلوب بين إصبعين من أصابعه يقلبها كيف يشاء)حديث

شريف

(وَعَسَى أَنْ تَكْرَهُوا شَيْئًا وَهُوَ خَيْرٌ لَّكُمْ وَعَسَى أَنْ تُحِبُّوا شَيْئًا  
وَهُوَ شَرٌّ لَّكُمْ وَاللَّهُ يَعْلَمُ وَأَنْتُمْ لَا تَعْلَمُونَ)

